

增修登州府志卷之六十二

史部

續高士傳二卷

萊陽張允掄著

允掄字弁叔明崇禎七年進士此編續皇甫謐本故以謐為首而終於元末凡二百十八人自序謂明世法令嚴峻士不敢不為君用以薄宦早休可當其次蓋允掄居官廉介國變不復出者僅四十年其作高士廉吏二傳意以自寓也但傳中多已通仕版者與史例稍異

增修登州府志

卷之三

史部

一

廉吏傳三卷

右人著

上卷百六十一人中卷二百六十五人下卷二百五人末又附蕭梁時一人周代介之推為首終於元季伯都以辭爵祿之介之推原思為廉吏亦以自況耳非確論也

竹書紀年校正十四卷

棲霞郝懿行著

見已

此書今坊刻皆作二卷此本據唐志分為十四卷帝紀一夏紀三商紀四周紀六而疑此書古有二本及其注非沈約撰皆有證據

補宋書刑法志食貨志

右人著

皆摭紀傳中事相涉者成之頗為翔實

晉宋書故宋瑣語

右人著

鈔撮二書故事以類相從瑣語則摭語之新異者如世說新語例可資談助

附錄列女傳補注八卷列仙傳校正二卷

福山王婉侗著

婉侗字肇圓郝懿行之繼室也故附郝氏書次

周公年表一卷

樓霞牟庭著已見

增修登州府志

卷三

史部

二

原在同文尚書中或別錄專行亦有一本其一本附刻詩切我祖東山篇於後

古今年表一卷

右人著

起唐堯丙子訖明崇禎甲申

名士年譜一卷

右人著

始宋建隆元年至今本朝嘉慶二十年記其人之生卒亦間記遺事乃補劉寄菴大紳所纂非定本也且屢書隨園修葺次數似為袁枚作者殊為贅

筆

東海筆談六卷

文登威海郭文大著

文大字光瞻雍正十三年拔貢生官黃陂縣丞此本有雍正八年王蘭生序首卷志 上諭一卷記學宮位次祭儀二卷記赴新陽路次所見三卷則時事故事隨錄四五卷同六卷志登州八屬二衛學人成進士者之姓名科分歷官亦兼及雜事其編次簡核可備志槩

平志備錄一卷

文登陶易著

易號悔軒乾隆十七年舉人此本乃其任平定州增修登州府志史部卷空三時修造諸記凡五篇

歷代統系四卷

萊陽初鶚齡著

此本乃重輯高郵人夏洪基本以元上都開平爲今大名府開州其紕陋可知

張氏家乘五卷

萊陽張輯

明大理寺卿張夢錕所著詩文與其碑表事蹟及其家子孫凡有可書者皆編之爲仁義禮智信五集今惟見其仁集四冊禮集五冊智集一冊亦譜牒類也故附入史類

蘿溪史輯四卷

文登 陳倌著

倌號蘿溪嘉慶十八年舉人霑化訓導此編自晉書下訖明無凡例無次敘每錄一事多於上方標目數字以為表識亦有推闡抑揚之意

全史詩

蓬萊張香海著

香海字牟子道光十五年舉人此編皆七言律體多至數百千首嘗刻於四川而今惟見其寫本詩不能工為附史類

萊陽縣志彙二卷

萊陽張允齡著

增修登州府志 卷全 史部

四

允齡字如九貢生旌德知縣初修志彙多取材於此本原彙今尚存其家

秦州紀異一卷

凡三編

治蜀條約一卷 治蜀讞案一

卷

萊陽宋琬著

琬字玉叔順治四年進士紀異乃秦州地震具詳災民情形求卹及上司批覆文案 條約乃康熙十一年為四川按察使時所立章程讞案乃其審斷判語也皆事理詳盡文亦簡淨不俗

貞孝節列傳一卷

文登林培玠著

培玠字用覲嘉慶十二年順天副貢此本皆文登  
列女其後邑諸生宋允和字繼正亦有此傳二本  
多互見皆可資縣志

東牟紀事

蓬萊張香海著已見

此本乃道光二十年夷匪滋擾時登州修築沙城  
製造礮位諸務香海皆與襄事故紀錄特詳又海  
內諸島其遠近形勢亦具詳錄可備志略

府志補遺考證一卷

寧海宮卜萬著

卜萬字壽卿諸生補登州職官唐七人五代四人

增修登州府志

卷全

史部

五

宋五人元一人皆有證據